

tales gratias agendas esse ? Nam et si haec mala in Ecclesia ob  
nostra scelera exoriri patiatur ; non tamen illa ad nostram per-  
niciem , & suam contumeliam dominari permittit : quin po-  
tius iam antiquam illam Isaiae prophetiam , qua Ecclesiam  
Christi regum præsidio roboratam , propagandam fore prædi-  
cat , nunc affatim adimpleri proprijs oculis intuemur . Pro tem-  
porum namque exigentia in magna Ecclesiæ ruina & miseria ,  
quando eius crudelissimi hostes atque heretici , erecta ceruice ,  
euaginato gladio , scintillantibus & ardenibus oculis furorem  
& insaniam aduersus Catholicam Ecclesiam spirabant . alijq;  
luporum rapacitate intrinsecus induiti , ouiumq; mansuetudi-  
nem extrinsecus referentes intestinam perniciem fidelibus ma-  
chinabantur ; te Regem Catholicum , potentissimum & inui-  
ctissimum fidei patronum & lumen Deus nobis mirabiliter  
concessit , ut undiq; excitatos aduersus Christianam religio-  
nem tumultus reprimeres , & incredibili diligentia seuerissime  
ac religiose nimis labem atq; perniciem tuis regnis procul amouere  
contenderes , & præualeres . Sic certè in tanta Catholicæ Regis  
potentia , tam incorrupta fides , pietas , religio , tam ardens in-  
staurandæ religionis studium his calamitosis temporibus conser-  
uatur . Cum enim duo sint officiorum genera , quæ à Regibus  
Christianis hoc diffcili christianæ reipublicæ tempore Ecclesia  
desiderare & postulare posset ; alterum ut celebrando concilio ,  
ubi ubi se se obtulerit occasio , ad sint , atque faucent : alte-  
rum ut subiecta sibi regna in fidei candore antiqua religione ,  
& sedis Apostolicæ obedientia conseruent ; sic in utroq; præ-  
stanto strenue te Rex magne , semper gessisti , ut quamuis  
gloriosam illam Catholicæ regis compellationem à maioribus hæ-  
reditario iure acceperis : tamen profectò tuis meritis præ omni-  
bus amplissimam obtinuisti . Etenim à sacro illo concilio apud  
Tridentum celebrato fidei succensus cum spem omnem